

**Bosna i Hercegovina**  
**Federacija Bosne i Hercegovine**  
**ZENIČKO-DOBOJSKI KANTON**  
**URED ZA BORBU PROTIV KORUPCIJE**



**Bosnia and Herzegovina**  
**Federation Bosnia Herzegovina**  
**ZENICA-DOBOJ CANTON**  
**ANTI-CORRUPTION OFFICE**

**U P U T S T V O**  
**ZA IZRADU PLANA INTEGRITETA**

Zenica, juni 2025. godine

## UVOD

Agencija za prevenciju korupcije i koordinaciju borbe protiv korupcije Bosne i Hercegovine (APIK) nadležna je za propisivanje jedinstvenih metodologija i smjernica, te je u tom smislu 2018. godine kreiran priručnik „Pravila za izradu i provođenje Plana integriteta u institucijama u Bosni i Hercegovini“, kao metodološka uputa za izradu planova integriteta za institucije na svim nivoima. Ovim Priručnikom daju se smjernice najvažnijih dijelove izrade i provođenja Plana integriteta.

### 1. Pojam i svrha Plana integriteta

Plan integriteta je alat preventivne borbe protiv korupcije. Temelji se na samoprocjeni institucije kojom se analiziraju faktori rizika i predlažu mjere za njihovo otklanjanje.

Svrha dokumenta je osnažiti integritet institucije i povjerenje građana u njen rad.

U njegovu izradu obavezno su uključeni svi zaposlenici, kako bi proces bio objektivan i sveobuhvatan.

### 2. Definicija ključnih pojmova

*Integritet:* Pošten, transparentan i odgovoran rad institucije i njenih zaposlenika., zasnovan na zakonitosti, transparentnosti, javnosti, odgovornosti, efikasnosti, ekonomičnosti i profesionalnoj nepristranosti.

*Rizik:* Rizici predstavljaju potencijalne situacije ili neetično ponašanje zaposlenika koje može dovesti do narušavanja integriteta, a identificiraju se u skladu s radnim procesima.

*Faktor rizika:* Okolnosti koje omogućavaju ili podstiču nepravilnost (sistemski, organizacijski, individualni, proceduralni).

*Rizične oblasti i procesi:* Ključna područja djelovanja institucije sklona riziku.

*Procjena rizika:* Identifikacija, analiza i vrednovanje rizika te planiranje mjera za njihovo otklanjanje.

### 3. Sastavni dijelovi Plana integriteta

Sastavni dijelovi Plana integriteta su:

- a) Osnovne informacije o instituciji i odgovornim osobama za izradu Plana integriteta;
- b) Odluka/Rješenje o izradi Plana integriteta;
- c) Obavijest zaposlenima institucije o izradi Plana integriteta;
- d) Program rada radne grupe za izradu Plana integriteta;
- e) Tabela pregled identificiranih, analiziranih i procijenjenih rizika;
- f) Mjere i preporuke za unapređenje integriteta institucije;
- g) Odluka/Rješenje o usvajanju i provođenju Plana integriteta.

Ovi dokumenti će se izrađivati u pojedinim fazama kroz koje prolazi proces izrade Plana integriteta.

### 4. Faze izrade Plana integriteta

Izrada Plana odvija se kroz četiri osnovne faze:

**Faza I – Pripremna faza:**

- Donosi se odluka o izradi Plana integriteta
- Formira se radna skupina i imenuje koordinator
- Izrađuje se program rada

## Faza II - Identifikacija i analiza rizika:

- Identifikacija oblasti
- Provođi se analiza dokumentacije i anonimno anketiranje zaposlenih
- Identificiraju se rizici i faktori rizika
- Ocjenjuje se intenzitet rizika (kombinacija vjerovatnosti i posljedica)

## Faza III - Izrada mjera:

- Na osnovu analize definiraju se konkretne mjere za upravljanje rizicima;
- Svakoј mjeri se dodjeljuje prioritet, odgovorna osoba i rok za provedbu;
- Sastavlja se izvješće o stanju integriteta.

## Faza IV.: Usvajanje plana:

- Nacrt Plana integriteta se putem e-maila dostavlja Uredu za borbu protiv korupcije na mišljenje nakon što Ured za borbu protiv korupcije izda pozitivno mišljenje;
- Rukovodilac institucije usvaja Plan integriteta i imenuje osobu zadužuje za njegovu provedbu;
- Plan integriteta se objavljuje na web stranici institucije i oglasnoj ploči u cilju podizanja nivoa transparentnosti.

## 5. Provedba i praćenje

Rukovodilac institucije i imenovana osoba za nadzor, odgovorni su za implementaciju Plana integriteta.

Svi zaposlenici u instituciji imaju obavezu saradivati i prijavljivati nepravilnosti. Institucija je dužna godišnje izvješćavati Ured za borbu protiv korupcije o realizaciji Plana integriteta.

Plan integriteta vrijedi četiri godine, ali se može mijenjati u slučaju potrebe.

Izradom Plana integriteta se sistematski sagledavaju procesi i aktivnosti koji su podložni rizicima od korupcije, određuju se mjere za njihovo sprečavanje i uspostavlja se okvir za kontinuirano praćenje i unapređenje integriteta unutar institucije.

Uputstvo pruža osnovne korake za izradu Plana integriteta, a sveobuhvatne smjernice možete pronaći na linku:

<https://zvjk.ba/zakoni-i-drugi-akti/Plan-integriteta/> „Priručnik za izradu i provedbu Plana integriteta u institucijama u Bosni i Hercegovini“, koje Vam dostavljamo u prilogu.

Link na kojem se može pronaći više informacija je:

<https://zdk.ba/ostali-organi/uredi/ured-za-borbu-protiv-korupcije> ili putem e-maila: [ured.bpk@zdk.ba](mailto:ured.bpk@zdk.ba)

Broj: 21-04-11588-1/25  
Zenica, 12.06.2025. godine

